

ტექნიკური დოკუმენტაცია (პირობები)

1. ქალაქ ფოთის მუნიციპალიტეტის (შემდგომში - ქალაქი ფოთი) მიერ გამოცხადებული ელექტრონული ტენდერის (აუქციონის გარეშე) შესყიდვის ობიექტს წარმოადგენს: **რუსთაველის რკალის მიმდებარე პარკში შადრევნის მოწყობის სამუშაოების შესყიდვა**. სახელმწიფო შესყიდვა ხორციელდება 2017 წლის ადგილობრივი ბიუჯეტის სახსრებით.

2. მომსახურების სავარაუდო ღირებულება შეადგენს - **71635** ლარს, დღგ-ს გარეშე.

2.1 **სატენდერო წინადადების ფასი** - სახელმწიფო შესყიდვების ერთიან ელექტრონულ სისტემაში მითითებული უნდა იქნეს დღგ-ს გარეშე. პრეტენდენტი არ ითვალისწინებს დღგ-ს, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. ტენდერში შერჩევა-შეფასება ხორციელდება წარმოდგენილი წინადადების ფასების მიხედვით. გამარჯვებულ პრეტენდენტთან ხელშეკრულების დადებისას, ხელშეკრულების ღირებულებაში დამატებით იქნება გათვალისწინებული დღგ-ს ოდენობა.

3. **მომსახურების გაწევის ვადები** - მიმწოდებელი ვალდებულია სამუშაო დაიწყოს ხელშეკრულების გაფორმებიდან 5 (ხუთი) კალენდარული დღის ვადაში და დაასრულოს სამუშაოთა წარმოების კალენდარული გეგმა-გრაფიკის შესაბამისად, 3,5 (სამნახევარი) თვის განმავლობაში.

4. **შესყიდვის ობიექტის მიწოდების ადგილი** - ქალაქ ფოთი, რუსთაველის რკალი.

5. **შესასრულებელი სამუშაოს საგარანტიო ვადა** - განისაზღვრება საბოლოო მიღება - ჩაბარების აქტის გაფორმებიდან 1 (ერთი) წელი.

5.1 იმ შემთხვევაში თუ საგარანტიო პერიოდის ვადის გასვლამდე გამოვლინდა რაიმე ხარვეზი მიმწოდებელი ვალდებულია წუნის აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, აღმოფხვრას საკუთარი ხარჯებით.

6. **მიმწოდებელი ვალდებულია:**

6.1 სამუშაოების მიმდინარეობის პროცესში დოკუმენტალურად შეათანხმოს შესყიდვის ობიექტის ხარჯთაღრიცხვით გათვალისწინებული ძირითადი სამშენებლო მასალები და ნაკეთობები, თანხმობის მიღების შემდეგ გამოიყენოს მშენებლობაში. ასევე წარმოადგინოს ძირითადი გამოსაყენებელი მასალების წარმოშობის სერტიფიკატები.

6.2 გამოიყენოს სამშენებლო მასალა ან/და ნაკეთობა ახალი, არამეორადი (არ უნდა იყოს ექსპლუატაციაში ნამყოფი) და უნდა შეესაბამებოდეს სატენდერო დოკუმენტაციის მოთხოვნებს.

6.3 სამუშაოების შესრულების პერიოდში ობიექტზე მომუშავე მუშა-მოსამსახურე პერსონალი უზრუნველყოს ინდივიდუალური დაცვის საშუალებით (ჩაფხუტი, ამრეკლი ჭილეტი, დამცავი ფეხსაცმელი და იქონიოს მშენებლობაში გამოსაყენებელი ინსტრუმენტები ტექნიკურად გამართულ მდგომარეობაში).

6.4 სამუშაოების (ან/და მისი ეტაპის) დასრულებისას შემსყიდველს წარუდგინოს შემდეგი დოკუმენტაცია: ფორმა N2, ფორმა N3, ფარული სამუშაოებისა და მიღება - ჩაბარების აქტი.

6.5 6.4 პუნქტში აღნიშნული დოკუმენტაცია შემსყიდველს უნდა წარუდგინოს დოკუმენტაციის ოფიციალურად დადასტურებამდე 3 (სამი) სამუშაო დღით ადრე.

6.6 ფარული სამუშაოები აწარმოოს შემსყიდველის უშუალო ზედამხედველობის ქვეშ. მიმწოდებელი ვალდებულია წინასწარ 2 (ორი) სამუშაო დღით ადრე წერილობით და/ან სიტყვიერად აცნობოს შემსყიდველს აღნიშნული სამუშაოების შესრულების თარიღის შესახებ;

6.7 სახელშეკრულებო ვადებში წარმოდგენილი, ფაქტიურად შესრულებული სამუშაოების საბოლოო მიღება - ჩაბარებასთან ერთად უნდა წარმოადგინოს თევზების დასამზადებელი მასალის, კერძოდ: თითბერის სატენდერო დოკუმენტაციის პირობების შესაბამისობის დადგენის მიზნით ექსპერტიზის დასკვნა.

6.8 „მიმწოდებელი” ვალდებულია სამუშაოები შეასრულოს ჯეროვნად, შემსყიდველის სატენდერო დოკუმენტაციის, მოქმედი სამშენებლო ნორმებისა და წესების შესაბამისად.

6.9 შემსყიდველი ორგანიზაციასთან წინასწარი შეთანხმების გარეშე, სატენდერო დოკუმენტაციის პირობების დარღვევის ან/და გადახვევის შემთხვევაში, შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

6.9 სამუშაოების დასრულების შემდეგ შემსყიდველს უნდა წარმოუდგინოს საშემსრულებლო დოკუმენტაციის ელექტრონული ვერსია PDF და DWG ფორმატი.